



謬齋集敘

嗚呼此余故友山陰萬君伯舒之遺文也君諱方煦原名庭琬字伯舒一字對樵籍於越生於燕長於黔客遊於秦卒時年五十有二余與君同客關中交好垂二十年君客長安余與君無五日不相見見輒瀹茗治酒抵掌談古今論文字詼嘲笑呼以爲樂今追思之均厯厯如昨日事君嘗云近時以來古文無健者惟顧祖香之文足以當之祖香之文所謂孟晉齋集君爲之撰輯刊行者也君天資英敏卓犖不羣讀書目數行下少卽究心經世之學年旣壯家貧親老弗克仕遂治申韓以其暇肆力於詩古文詞導源六經疏流列史秦碑之奧折

豫齋集

敘

一

子長之宕逸昌黎之醕柳州之峭漢魏樂府之瓌奇李杜歌行之雄放君皆含其英而咀其華深探而力取之自鄩以下吐棄泊如也至於論說時事指陳利害辨駁得失燭照數計算無遺策因時制宜皆可致之實用蓋駸駸有賈傅之風焉嗚呼君之著述可謂健於爲文者矣余性喜攷證之學讀書必終卷始易君則涉獵縱觀不斤斤於章句嘗戲謂余言君才僅可爲博士耳經世之任非我而誰使吾得志將以書局任君旣展君長而纂修之資亦可爲君酹酒費君其樂否蓋嘗爲戲言如此然時人訪文學於君君必首以余對余爲文多暉緩紆徐之音君之爲文多雄峻峭厲之作然有誦余文者

君必力爭之且曰人心之不同如其面焉惟文亦然余之不能擘緩紆徐亦猶毛君之不能雄峻峭厲也文人相輕積習可歎惟君力矯其風蓋君之雅量兼容并包推轂士類嗜若飢渴使其得位乘時推以人事君之義展匡時濟世之畧其樹立島可限量卽不然天假之年俾君益肆力於文覃思著作勒爲一書藏之名山傳諸其人如司馬子長諸公之所爲者亦足以抒君之志而天不憖遺哲人遽萎所賴以信今而傳後者僅此數卷之遺文嗚呼其可哀也已同治丙寅年君從父春孚刺史權華州事君招余往課其從弟讀時君方刻祖香之文一日謂余曰顧子之文余則刊之矣倘余不幸誰爲

訂吾文者校勘之任非君奚屬焉嗚呼此尤余追憶昔言爲之涕泗交頤者也君之卒也爲光緒庚辰春二月其年秋次君桓自揚州來撫其細累越一年歲在辛巳哀君詩文若干篇將以付梓且曰校勘之任惟子是屬先兄有言矣余因泣而諾之工旣竣弁言如右君故知余最深者也故余敘君之文而其詞哀焉光緒七年歲在辛巳七月朔揚州甘泉毛鳳枝敘

豫齋集目錄

卷一 詩一百七十有八首

金陵二女行

朱雲墓

園有桃

杜陵

送高朗齋外弟歸沅州 二首

雜感 八首

哭虹書弟 二首

病起

家大人畜水仙花一本以花卜虹書弟病今花開

豫齋集

卷一 目錄

一

矣而弟竟死

骨肉

赤繩哀

聞官軍迭破羌白王閣賊巢同州肅清

新麥

哀秦民

登西五臺

送友人謫塞外

隴頭流水

讀友人錄存會侯克復江南奏草感賦 二首

次同州

之華州出霸橋至是蓋三矣適得舍弟書將往從

之
冬夜感賦

早起聞簫鼓聲蓋立春矣

新春得雪喜賦

渭上送友人別

春暮登眺

良馬歎

出城

感事

孤雁

豫齋集

卷一目錄

二

春感

挺車行

發家書

過霸橋

重九

聞雁

大荔塗次

寄譚二西屏

寄毛子林

東坡生日呂曼叔觀察置酒招集得七古一首

京之瞿丈出霸橋走馬圖索句蓋初官北上時作

迄今且十餘年關中自回難後霸橋風景非復
昔時而瞿丈一官罷去亦婆娑老矣撫今追昔
盛衰之際亦復誰能遣此瞿丈時將南旋承命
屬詞卽以贈別 三首

海棠花發 二首

題高雋生宣南鴻印圖 二首

題馬湘蘭山水蘭竹卷子 二首

代飲馬長城窟行

代君子有所思行

江南詞

塞下曲 二首

豫齋集

卷一目錄

三

漢宮詞 三首

鳳女臺

昆明池

五丈原

華清宮

輞川

漢陂

霸橋

曲江

明妃

秋鐙

秋月

題林穎叔方伯所藏唐宋元人畫冊

趙集賢桃源圖

趙承旨松風嵐翠圖

黃癡翁夏山圖

關仝太行山色圖

高房山橫空黛色圖

董仲翔江帆出峽圖

王晉卿烟江疊嶂圖

王摩詰溪林雪閣圖

端甫許丈出躋堂介壽圖命題蓋許丈既宰永壽

豫齋集

卷一日錄

四

罷歸直四十初度民懷其德遠道稱祝圖紀實也

雁足鐙歌

贈周丹厓

贈譚西屏卽送之鄜州

二首

咸陽

縛狼歌

有感

寄謝枚如潼關

尋友人不遇

宮農山觀察

爾鐸

出守延安貌叱馭圖以自況其

攬轡慨然之意蓋可想見余時客鳳翔寄此奉
題且送其行 三首

題羅誠之大令 驥攬轡望蜀圖 二首

咸豐六年余挈眷入秦道出興平題賦馬鬼詩于
壁今驅車過之舊句塵封鴛鴦人逝曷禁憮然
二首

題吳春海侍御驄馬導輿圖

題瞿京之所藏吳季子之子劍

登雁塔後將赴孫心老謁牛頭寺杜祠之約天雨
不果歸讀心老詩賦此酬之 二首

黃蒼山至

豫齋集

卷一日錄

五

汪柳門學使按試鳳翔拔得耆士五皆年逾七十
作詩以誌依韻和之 二首

雨中李勤伯太守 慎餞蜀令官君竹農于喜雨亭
余在坐話別歌以贈行

送譚西屏從軍北山

人日同毛子林 鳳枝謁韋曲杜子祠

呈鄭治亭丈 二首

題蓮池亭呈鳳翔守李勤伯觀察

題羅浮仙蝶畫扇弔多雲笏太守 二首

題浣紗圖 二首

遊城南薦福寺

懷隴州司馬方友石

送羅誠之令君之官寧羌州 二首

誠之詢寧羌州政要疊前韻賦答 二首

留別李勤伯觀察 二首

九日同毛子林子淮弟兄登慈恩寺浮圖

重至鳳翔送李勤伯觀察調治西安用前留別韻

二首

余曩客鳳翔屢約壽坡仙未果今秋去鳳李勤伯

觀察和余留別詩有還期生日壽東坡之句仲

冬余復至屆期集同人於祠下適毛朗臣 鳳清

來與焉觀察時移守西安詩成寄以索和

豫齋集

卷一目錄

六

題吹簫圖 二首

中秋大雨既而雨止月出招鄧子嘉騎尉 邦靖 李

濟川茂才 作舟 舉酒憶仲桓揚州因作長歌

劉孟惺重九約遊城南杜子祠因病不起

甲戌上巳招同宮農山太守 爾鐸 毛子林刺史 鳳枝

劉孟惺大令 開第 鄧子嘉貳尹 邦靖 並兒子光

大禩霸上主霸丞周君雪菴醉歌

霸亭

題馬湘蘭校書畫蘭

苦雨重九感賦

重九懷仲桓叔弢弟

春日與毛子林劉孟惺鄧子嘉集宮農山思無邪齋

贈周雪菴

劉孟惺招同農山子林子嘉次菊謁杜工部祠余蓋再遊矣

光緒乙亥元年正月朔紀事

城南遊眺

夏日偕農山子林星甫子嘉次菊遊少陵宿杜子祠下不寐有作二首

七夕立秋集宮農山宅話別

題呂亮臣

林采

讀書秋樹根圖

豫齋集

卷一目錄

七

題龍泉山圖寄徐易甫先生

題磨鏡圖爲宮農山作

九月十日至潼關郎和之司馬

鶴鳴

於北極宮補

登高會余適至與焉

登望河樓

十月宮農山太守至渭南勸積穀出菜根圖索句

二首

示周僕

題席星甫南樓晚眺圖

得毛子林書知席星甫抱病同寄星甫

小園

酬謝蔚青寄示河樓獨倚見懷之作

送李稼門太守

應莘

之河南

橐筆

題宮農山西園覓句圖

題霸橋送別圖卽送李勤伯都轉入覲省親

霸上送馬敷潘

送裕澤生方伯

寬

擢任河南藩司奉

詔入覲

送宮農山南旋

二首

正月十二日王心如先生招同秦子衡毛子林鄧

子嘉呂子幹集笠雲山房時子嘉將之興安

送朱靜軒

綬

之閩便道歸襄陽

二首

豫齋集

卷一目錄

八

送慶蘭園方伯

裕

之閩藩任

秋日與謝寶林毛子林李雲生劉孟惺王心如席

星甫郊遊息杜子祠次謝太守韻

故友張箬農曩爲清秋歸騎圖贈原坦齋太守行

今原復將歸出示索題賦以送之

二首

題李雲生大令江上草堂圖

二首

送李勤伯都轉之延榆綏道任

卷二 文三十有五首

管仲非仁解

費宮人刺賊贊

山陰萬氏女庭珠墓碣

感居賦

從兄少甫先生畫像贊

九日登甯羌州東山觀記

孺人黃氏墓誌銘

女弟淑真墓誌銘

報顧祖香書

顧祖香周列士傳序

山陰萬氏女墓誌銘

亡弟國子監生虹書墓誌銘

萬氏宗譜序

亡妻陳氏墓誌銘

豫齋集

卷二目錄

九

先考過庭府君權葬墳誌

先考邛水君行述

墾荒對

史孝子復讐記

女子過門守貞可稱婦議

聘室不得立主稱元配議

陝西南山谷口攷序

候選知州毛鳳枝妻賞宜人墓誌銘

朝議大夫陝西補用知府西安清軍同知毛公墓

誌銘

金梅緒詩序

張子全書序

跋呂涇野先生墨蹟詩冊

方友石先生鴻濛室集序

太白山禱雨文

禱風神文

重修富平縣武廟碑

霸上禩詠序

霸上禩詠圖記

謝蔚青觀察轉蕙軒詩集序

席星甫夢午草堂詩集序

誥贈恭人陳母賀太恭人墓誌銘

豫齋集

卷二目錄

十

右詩文甲乙卷余 兄伯舒先生所箸也 先

生髻齡嗜讀雞鳴則起顧婢媪鼾聲鳴相答舉

案頭茗甌啜餘瀝盥手趨玉塾誦聲琅琅然年

十三諸經畢誦泛覽四史子集時 先君子仕

於黔道遠勿克歸試遂肆力於古咸豐間避黔

亂來關中陟蜀道秦棧助其嶽崎雄奧又出而

與俊彦遊業益進論者謂駸駸乎濟昌黎之堂

瞰少陵之室矣惟 先生志在用世而一編是

託志在明道而天靳其年時之多故也憂能傷

人也不然胡爲而止於斯耶 先生卒於光緒

六年二月丙辰明年余乃哀第其所爲詩文一

以歲月爲次詩則斷自入關始各爲一卷凡得
文三十有五詩一百七十有八自餘所作將輯
爲外篇焉 毛君子林多聞直諒士也與 先
生善慨然任校讐之役且序而刊之 先生雄
姿偉幹嘗戲以余帶圍於股不能匝者四寸強
以爲笑已而愴然以悲謂余羸而憂其不壽也
孰知夫羸者存而壯者先耶今固齋志沒矣所
以寓孝友之性軌人心於正者其在於斯後之
覽者亦將有於此而髣髴 先生之爲人乎展
卷心摧筆之以寫吾悲光緒七年七月朔同懷
弟同倫識於長安寄廬

豫齋集卷一

詩二百七十八首

山陰萬方煦伯衍著

金陵二女行

江甯汪梅村女孟曰淑遊淑蘋其仲也粵逆陷城淑遊奉其姑走句容寇逼赴塘死淑蘋從母命留身字弟不克終乃絕粒卒聞二女者究於書能若此伊古訓之力嗚呼世之號稱讀書者聞二女之風可以興矣爲作金陵二女行

金陵摧萬人死兩女子光汪氏一女守孀帷倉卒奉姑逃不見弱妹從母走但聞哭聲慘咽寒江濤一女死母側繩絕女復蘇母乃泣謂女爾姊義從姑爾弟一綫係豫齋集

卷一

一

父嗣爾死孰與撫此雛女抱弟代母哺賊虐母女號呼身受榜掠色轉愉弟死女不後完貞無餘圖烽烟薄野句容城下昨夜夢衰慈妹侍淚盈把相從指清流畢命此可者嗟哉兩女子並立有人綱報姑死無悔殉弟心益傷從容知授命乃在兒女行讀書媿陋儒萎蘭烈餘芳因念蟲沙劫愁雲鍾山蒼

朱雲墓

余讀漢書朱雲傳彼固殺人報仇以俠任者而謂廷有佞臣縮首屏氣能忍也憤激上言賜劍之利幾將自嘗焉向非慶忌免冠力救且以快佞臣之心矣報仇易誅佞臣難豈不痛哉吾聞

西漢節義尙盛狂直乃一小臣哉然而千載下
惟雲墓之兢兢焉悲夫

平陵郭外丈五墳云是小臣漢朱雲五鹿之角不足折
羣儒讀易徒紛紛上不匡主下亡益民以雲視之皆佞
臣公卿失色驚狂直攀檻一呼回帝噏坐不能容張禹
誤漢社只合從龍逢比干遊地下檻不必修劍不可假
尙方劍何爲者不斬佞臣但斬馬

園有桃

園有桃爲方烈婦作也烈婦姓譚氏江甯方子
興之妻好讀書與隣婦賀善以節義相推許咸
豐癸丑孟春賊破九江長驅至江甯勢張甚子

豫齋集

卷一

二

興以母遷奔句曲是時避地者屬於路肩輿不
以時至烈婦遂留賀伴之期三日迎比反而城
已閉寇大至城破尋得其與賀烈婦自經狀有
舉而同納諸匱中瘞之舍側桃花下者夫巨盜
起粵西擾半天下所至輒殘破居守者往往爭
先去以爲民望而二烈婦者願以纖弱女子目
覩所居之垂危迺坐昧偷生之計不早引去而
相率以死將非世之所謂大愚者乎嗚呼此其
所以爲烈歟子興狀其事以徵詩余故爲作

鐵甕城何高高滿城香園有桃誰氏園方烈婦春風開
置尊酒洽比鄰從姑後江之上忽鼓鞳都人恐家紛移

士曰婦曷去諸婦曰行姑先之出無車非婦儀鄰有侶
守亦宜子奉母句曲住妻送夫不遑顧三日迎期非悞
狂寇來城不開城不開生死乖生死乖可奈何朱繩在
死靡他同死誰東家賀歛何物匱一个葬何處桃花罅
生同室死同穴人雙絕花一色桃花碧兩人血

杜陵

杜陵何處問桑麻彈鋏歸來日已斜兵亂難歸安作客
他鄉住久漸如家乾坤戰鬪銷塵劫衣食奔馳老鬢華
學劍習書都不就聽天位置作生涯

送高朗齋外弟歸沅州

策馬問三秦羈棲春復春干戈驅客子關隴莽風塵此
別殊非料過歸且慰親汝家憑一綫珍重遠行身
寸心若流水送汝到沅州好記臨歧語毋爲再出遊秦
雲隨去馬楚雨黯歸舟何日重能見相看淚欲流

雜感

避地竟何益干戈困此身烽烟盪南國劫火續西秦攘
寇豈無策持籌亦有人天驕原隱患誰遣擾風塵

河山空百二防守失雄圖縱賊窺三輔當關少一夫蕭
牆延伏莽同室競張弧多壘未爲恥淒涼問幕烏

虛慕汾陽事花門未可輕昧機興撫議失策解鄉兵奮
往心原壯因循禍已成招魂清渭北碧血灑縱橫

殺氣乾坤暗妖氛日月驚郊原連一炬風鶴自孤城殘

破無完邑遷延柰救兵艱難根本地只賴伏波營
入關來一旅爭欲獻饒歌豈謂援師至無如狂寇何城
邊兵火逼帳下美人多警報傳西鄙甘涼亦弄戈
將軍天上下回鶻敢披猖已奏商山捷微聞我武揚頓
兵胡不進返旆一何忙涕淚向蒼昊蒸黎劫未央
兵集須籌饗流離賴撫循未聞飛輓策日有死亡人投
憤防飢卒揭竿慮難民安危關大局事在二三臣
欲作避秦想桃源世有不恨無雙翼奮相對一家愁去
住難爲計貧窮誰與謀天心應悔禍聊以自寬憂

哭虹書弟

甫抱鶴原痛君胡不少延傷心成一病追弟到重泉

以君

豫齋集

卷一

四

哭弟季嘉致疾老大終須死摧殘柰少年臨危猶念我同病幸
能痊

盼得乾州返遠悲玉樹摧喪予難自慰如爾更堪哀娶

婦都無福聘徐氏以疾改卜吉能文果是灾遺書橫几案此後忍

重開

病起

一病幾難起千方始得痊死應無葬地命已早憑天藥
竟能醫疾身疑更值錢衰親憐子甚猶自囑安眠

家大人畜水仙花一本以花卜虹書弟病今花開

矣而弟竟死

臨水一仙子危根託石栽病曾將此卜花是爲誰開含

涕憶前語招魂柰告哀衰親最淒絕觀物寸心摧

骨肉

骨肉踵彫喪淒涼病後身窮愁攬兩淚兄弟贖三人

兒余

弟本六人羸體支多難強顏慰老親劇傷家運替况復困兵塵

赤繩哀

吾鄉胡士女二姑者厥母以字於繆氏母死而

兄背焉女聞之賦詩四章投緘而絕

嗟乎惟女子有身不二屬人母氏實命之安論歿與存
翩彼鳩鳥亦集于桑人則無母我以爲兄宛宛赤繩非
足之繫而頸是縈將以保女貞以保女貞惟母氏之靈

豫齋集

卷一

五

聞官軍迭破羌白王閣賊巢同州肅清

捷書傳到動歡聲堅壘公然一鼓平作賊何曾能白首

殺人原亦爲蒼生劇憐士女淪殘劫始見 皇威

奮甲兵聞道回曾多謫計將軍休築受降城

新麥

賊退人歸種農田民命存耕耘關 國運斂穫聽天恩

牛馬軍中食城郊劫外村可憐焦土地新麥又盤根

哀秦民

關中健兒喜殺回長戈大戟氣如雷花門勢寡初乞哀

一朝斃死萬衆摧回怒漢怯齊縮首可憐健兒不如狗

兵連禍結戎首誰十萬健兒安在哉君不見草間白首

森成堆

登西五臺

長嘯登臺四望低，郊原碧草自萋萋。
春風慘淡人烟少，河隴蕭條殺氣迷。
忍把干戈聽浩劫，獨將涕淚哭殘黎。
雄心鬱抑消難得，笳鼓聲中日又西。

送友人謫塞外

三疊陽關曲，送君萬里行。
風沙平大漠，柳色斷邊城。
老作投荒客，詩多出塞聲。
相將一樽酒，悽絕故人情。

隴頭流水

隴頭流水一去不返，今我送君行行日遠。
水流不返終到海頭，君行萬里何日歸休。
留君不得，請君暫息試問。

豫齋集

卷一

六

流水爲誰鳴咽

讀友人錄存曾侯克復江南奏草感賦

皇帝三年夏金陵巨寇滅

詔書下九重萬方有喜色

國朝二百年，龐鴻富恩澤。覆載博涵育，豐盛苞萌蘖。
邊吏輕潢池，奔鯨觸羅逸。遂令吳楚民，骨肉蕩離析。
江南富庶地，陷爲盜賊窟。都邑莽榛荆，土女絳屠割。

先帝赫然怒秉鉞，未遑殛中興待。

兩王艱大開皇極，桓桓駱中丞。英俊出羅拔，官胡關武昌。

障瀾鎮楚北，偉哉李與左。撥根芟枝葉，曾侯據上游。
介弟探虎穴，下師武臣力。上稟朝廷德。

先帝實佑茲，俾早就天罰。十三年巨患，一旦剗無迹。
乾坤奠其

位人民安其則追惟猖獗時焉遽料今日舜代誅有苗
巍巍耀鴻烈天方祚 大清熙陽照萬國

我父昔在日卑官懷血誠揭竿起粵嶠念之常怍怍風
塵半天下按劍慘不驚奉諱棄官去祿養愧 聖明憂
憤蹶然起輒謀請長纓自顧嗟老矣感喟淚以傾桑梓
沉淪陷不得守先塋蘊志一朝逝易簣如平生慷慨期
滅賊渡河猶餘聲彌留顧不肖爾其識遺令我 朝德
澤厚終當掃欃槍死者若有知毋忘告幽冥墓木未及
拱已聞大功成章疏不可見遍索費求營流傳實快覩
執紙眼爲清所嗟父已歿不見此賊平奉牲前致詞上
達在天靈流涕復再拜庶以慰忠貞

豫齋集

卷一

七

次同州

寒雲慘白日客子次同州弱弟方扶病雛兒未解愁亂
離三載閻辛苦一城留無限人民感不須化鶴遊

之華州出霸橋至是蓋三矣適得舍弟書將往從
之

無情霸水自悠悠殘柳蕭疎劫後留詩思何曾在驢背
旅魂銷盡此橋頭干戈歷亂迷陳迹骨肉飄零事遠遊
正欲驅車向太華忽思弱弟望同州

冬夜感賦

獨坐影相匹鐙寒夜有銜愁多身似病歲晚客懷鄉倦
骨知春早歸心入夢忙梅花不可寄辜負隴頭香

早起聞簫鼓聲蓋立春矣

曉窗回旅夢簫鼓祀芒神殘夜星辰曙東風天地春山
川兵後換歲月客中新復見郊迎典農桑靖戰塵

新春得雪喜賦

草木經兵悴山城賸劫灰東風一鼓盪春氣入關來民
聚荒田闕 恩多 國運回應時有雨雪天亦助栽
培

渭上送友人別

早起黃鸝喚出城渭川岸上送行人君今解纜竟須去
莫待明朝風浪生

春暮登眺

豫齋集

卷一

八

長嘯乾坤裏憑高一放吟春來千樹綠日落衆山陰西
極連兵氣東風動客心故鄉歸未得漸見二毛侵

良馬嘆

上廐四十萬匹馬龍媒絕種何爲者歟然有馬西極來
霜蹄蹀躞風雲開昂頭不受庸圍制屢試芟駕從棄置
毛乾尾秃無人憐馳逐乃讓駑駘先駑駘長嘶矜得意
伏櫪亦奮追風志芻不一束豆不升責馬千里馬不能
鞭箠雜下銜勒緊可憐此馬無精神馬無精神甘凡馬
路逢伯樂不敢鳴不鳴伯樂亦不識鹽車困頓終其身

出城

且復出城去郊原氣象新落花三月雨垂柳半堤春荒

壠多翻土殘村有醉人休提回紇事重話向遺民

感事

函峭兵氣自東來一片斜陽鼓角哀諸將何人能禦敵
雄關猶是枉崔巍縱橫賊馬驚遺庶厯落村墟又劫灰
鶴唳風聲聽已慣閒凭殘壘獨徘徊

孤雁

孤雁爾何苦飄飄度翠微應緣謀食急不得列行飛路
失重雲隔心遙故國遠天涯矰繳滿脚葦好同歸

春感

辜負香衾事遠遊深閨小婦漸知愁殷勤寄語東風柳
莫更依依傍畫樓

豫齋集

卷一

九

捉車行

大車檻檻小車啍啍吏奉官符禁車出城明日有軍行

一解

貧家生活全憑此車送入營去車壞馬斃當奈何

耶尚有囊中錢奉吏徇一茶

二解

吏笑麾手爾且遠走

若再逢他人車馬非汝有

三解

捉得車來奔馳大道聲

如雷兵坐其上怒遲鞭催馬飢而踣人困不得回棄車

潛遁淚霑腮早知車終棄不應向吏惜錢財

四解

發家書

旅懷欲訴疑千萬待到臨書一字難生恐家人益愁思
含糊依舊說平安

過霸橋

春去秋來幾度經一鞭又過霸陵亭無情最是橋邊柳
銷盡人魂爲底青

重九

扶醉登高意悵然黃塵莽莽北山烟菊花寂寞愁孤客
秋雨秋風又一年

聞雁

候雁南歸去雁歸人未歸西風正搖落黃葉滿天飛

大荔途次

終年事行役勞勞何爲者蹊徑寂無人敝車策駑馬朔
風號元空白日寒原野墟里黃蒿間飢禽時復下誰能
拯斯民歎息淚盈把

豫齋集

卷一

十

寄譚二西屏

素雪落庭除朔風振歲闌繁華皆衰歇梅萼挺嚴寒美
人在何許遙隔暮雲端欲折不可寄躑躅發長歎

寄毛子林

神螭躍滄溟置之尺沼中黃鵠薄重霄修翮困樊籠達
節伊惟聖諧時難爲工今予何乃然跼促抑才雄古人
爲親屈如君豈終窮長歌激意氣昊蒼非夢夢

東坡生日呂曼叔觀察置酒招集得七古一首

坡仙一去七百年元豐逸事人間傳十有二月十九日
烏臺小集張瓊筵殘雪不飛月在地起視奎宿光瑩然
躋堂稱祝踵風雅遇公如登赤壁顧我無李委腰間笛

一弄聲飛徹九天再拜酹公一樽酒長歌請進爲公壽
富貴都成春夢婆北扉南嶺事亦偶男兒沒世恥無聞
及身自立三不朽惟公之文萬斛泉雄視百代夫何有
浩氣長存天地間直傲喬松歷年久宮遭磨蝎何足嗟
畫作騎驄得似否讀公詩拜公像恨不同時發遐想瓊
樓玉宇在何處我欲乘風從公往孤鶴南飛招不來巖
看高高安可仰

京之瞿丈出霸橋走馬圖索句蓋初官北上時作
迄今且十餘年關中自回難後霸橋風景非復
昔時而瞿丈一官罷去亦婆娑老矣撫今追昔
盛衰之際亦復誰能遣此瞿丈時將南旋承命

豫齋集

卷一

七

屬詞卽以贈別

北上長安控玉驄雲烟過眼記匆匆長橋流水垂楊柳
都在春風得意中

詞客飄零餘畫本滄桑身世欲魂銷盛衰都付悠悠水
莫問當年舊霸橋

班馬蕭蕭去不停橋頭殘柳向人青黯然景物凭誰畫
三疊陽關不可聽

海棠花發

忍淚看花強自寬干戈滿地一凭闌東風狼藉知多少
乞取春陰保護難

海棠豔發瘴天春淺白深紅廊舍新三十二年容易過

名花回首愴征塵

道光十八年侍
鮮屏圃海棠極盛今付劫塵矣

先君子于捧

題高雋生宣南鴻印圖

高君雋生與王君研香客京師銷寒聯咏嗣雋
生仕於秦補爲之圖

風雪茫茫載酒卮雲龍相逐結心知秦桑燕草人千里
九九圖開又一時

客裏同心得最難迷離鴻爪畫中看逢君握手增惆悵
不見天才王子安

題馬湘蘭山水蘭竹卷子

秦准金粉飄零盡一代紅妝畫筆存賸水殘山無恙在
美人香草總銷魂

豫齋集

卷一

三

湘有竹兮澧有蘭懷佳人兮空煩冤眼前無限秋風感
如此名花誤託根

代飲馬長城窟行

傳烽起邊堞策馬陰山西長城何崔巍崔巍拂雲霓戰
鬪苦飢渴人馬同淒淒拔劍刺泉脈飲馬就流澌水寒
傷馬口窟深傷馬蹄嗟哉赴國難身命賤若泥朝登長
城頭暮宿長城下荷戈何時歸風塵方蔽野駿馬一悲
鳴征夫淚如瀉

代君子有所思行

長安雜仕宦車馬紛交馳列戟闢第宅高臺俯曲池前
堂盛賓客獻譽溷竹絲自謂不世出平揖臯與夔宦成

聰明薄意氣茂等夷繁華易衰歇時事一朝移身名俱
泯滅徒令庸衆嗤智哉達命士立德以爲基

江南詞

白門垂柳亂啼鶯夾岸笙歌畫舫橫江雨初晴春草長
六朝山色隔江明

塞下曲

依依楊柳玉關頭到此春風也欲留掉臂出關不回首
誤人畢竟爲封侯
沙磧迢迢接塞烟崑崙山畔月輪圓將軍傳箭擒生虜
萬馬無聲夜蹋邊

漢宮詞

豫齋集

卷一

三

昭陽樹色鬱青春落葉重扃劇愴神環珮珊珊宮禁靜
瑤臺飛下李夫人

鈎弋拳開承主恩平陽歌舞不須論橫汾奇氣今銷歇
千古淒涼堯母門

黃葉蟬鳴秋氣哀齊紈團扇嘆新裁趙家姊妹初承寵
蹋臂爭歌赤鳳來

鳳女臺

鈎天張樂聯仙侶乞得仙婿匹秦女洞簫音激徹重霄
白鳳聯翩共翔舞雙雙飛舉玉樓春天風飄渺送仙裙
鳳凰一去簫聲斷千古高臺空白雲

昆明池

武皇按劍規南夷六軍習戰鬪水嬉樓船騰踴如龍翔
秋風凌厲旌旗揚天漢威靈古無有倒挽銀河驅牛斗
日中早已無昆明滇王穀觶來稽首茫茫浩劫悲沙蟲
滄桑變幻何終窮咸陽遺燼殘灰黑戰血迷離蓮粉紅
長鯨跋浪激滇水滇水倒飛八百里安得水犀十萬人
橫行滄溟報天子

五丈原

赤帝子孫然燭火南陽蟠龍不得臥天定三分漢鼎破
秋風慘黯大星墮前出師後出師成敗利鈍未可知臣
身死心不死滅魏吞吳事竟止五丈原頭落日高白帝
城邊風怒號丹旄西歸泣杜宇蕭蕭故壘埋蓬蒿

豫齋集

卷一

十四

華清宮

青雲高擁驪山中乃有華清之離宮復道逶迤接繡嶺
倚天樓殿何玲瓏簫管入雲迷清聽靈湫送暖涵窗鏡
山鳥都諧仙樂聲流泉亦帶溫柔性萬乘拂天駐翠華
王母晝降紛雲車沐日浴月黃虬躍濃恩香膩玉蓮花
珠簾斜啓長生殿春風旖旎嬌飛燕霓裳曲罷倚姮娥
私盟切切星河轉新豐樹外黃塵驚漁陽鼓震胡騎橫
羅衣解脫逢山鬼玉環墮地傾城傾青驪一去紫茵腐
欄干寂寞春無主天上星寒證女牛隴頭雲散愁鸚鵡
層巒松栢綠沈沈曉風殘月難爲心青山無語水流去

碧殿荒涼何處尋

天機清妙者可與此中遊
摩詰隱居處至今輞水流雲巖
明似畫風月晚來秋惆悵
菩提寺松蘿未掩羞

漢陂

追悼祖香介卿

菱葉荷花舊漢陂
扁舟曾約泛琉璃
岑參兄弟今何在
雷雨蒼茫又一時

霸橋

秋風秋雨柳條萬古傷
心贖此橋戰血糝糊流水碧
蟲沙歷劫更魂銷

曲江

凌波無復鷁舟來
宮殿江頭拾劫灰
細柳新蒲都不見

豫齋集

卷一

五

秋風付與杜陵哀

明妃

君王不惜春風面
賤妾能甘萬里行
但使和親終可恃
漢家事重妾身輕

秋鐙

閃爍青鐙小似螢
虛齋常伴賦秋聲
清光未許巖霜逼
孤焰能爭冷月明
一點丹心懸永夜
半生白髮老寒檠
西風處處催刀尺
照見深閨萬里情

秋月

天鏡團圓海上生
吹雲何事管絃聲
水輪皎皎懸邊塞
玉宇迢迢接太清
大地山河秋萬里
滿天風露夜三更

姮娥王母瑤池宴一樣清光分外明

題林穎叔方伯所藏唐宋元人畫冊

桃花開落一千年落英墨淚紅班班白雁飛來天地改
人間那復有桃源雲樹蒼烟水暮花開遠近渺何處
地坼天分了不知一片趙家乾淨土哀哉王孫泣迷途
淵明記載亦模糊武陵仙境今則無莫謂仙境今世無
青溪紅樹在此圖隴湟兵氣秦人吁儻可往者吾其徂

右趙集賢桃源圖

萬松漠漠天風吹濛濛嵐氣著紙飛飄渺虛無一角山
劫塵不到非人寰松濤盪作天水碧其中往往斷行跡
獨往者誰避世客庶幾園綺或黃石烟翠重重封絕壁

豫齋集

卷一

六

欲從無緣空畫冊

右趙承旨松風嵐翠圖

萬子三年華州客太華少華生几席五月炎風吹雲開
半空擲下芙蓉碧迷離彩翠紛如滴欲摹難摹空嘆惜
奇哉突兀癡翁筆天外奇峰忽飛入畫工真有移山力
烟嵐濃鬱痕猶溼巒嶂參差夏雲雜吟魂飛越臥遊接
安得從公躡謝屐時方伯與謝君
校如約遊華山

右黃癡翁夏山圖

太行歷三晉斗向人前落畫工心不平與山爭峻嶒羊
腸詰屈摧車輪樹木蕭瑟愁行人十步九仆度天井巖
雲萬丈青冥冥丹霞白霧隨風盪陽岫陰崖入蒼莽嵐

氣淋漓不可做汾水清秋發遐想會須叱馭步王尊歌
苦寒行竟北上余將筮仕山右

右關全太行山色圖

萬斛螺烟潑遠空參差黛色間淡濃客來與我談蜀嶺
此景彷彿峨眉峰有時晴雲變烟雨蒼茫一氣青濛濛
儻將巖岫亂窈窕修嫋母乃文君同房山尙書甯到此
不然圖畫何其工飛翠撲人欲離紙烟鬟妝束來鏡中
塗抹刻畫苦難肖詩魂欲起眉州翁

右高房山橫空黛色圖

江水奔流幾千里三峽橫逼東江水雲濤亂捲擁江風
扁舟一葉飛不止猿狖哀鳴楓林青杜宇催歸難爲聽
豫齋集
卷一
七
辭家四十不歸去對此心逐風浪聲舊藏半幅鷺溪絹
誰畫歸心疾如箭嗚呼董羽今不見

右董仲翔江帆出峽圖

宋帝之壻寶繪堂烟江畫幅定國藏坡仙醉筆傳神妙
浮空積翠搖紅光流傳此本何從得蕭疎平遠露皴迹
漠漠遙天紙上青茫茫江水鷗邊白江水斷處亂峰生
浮雲隨風峰外縈雲移山動水氣湧雲水山色難分明
歸去圖書壓行篋扁舟南下輕如葉迢迢征路指荆襄
江上青山猶亂疊方伯時乞養南旋將假道楚中

右王晉卿烟江疊嶂圖

東雲縹緲朝川色斑斑駁駁唐時雪清溪林樹同黯淡

忽放光明生虛白朔風滿野天浩然此地掩戶足高眠
逋仙若向个中住只少梅花三萬樹

右王摩詰溪林雪閣圖

端甫許丈出躋堂介壽圖命題蓋許丈既宰永壽
罷歸直四十初度民懷其德遠道稱祝圖紀實
也

永壽民不忘使君使君亦不忘永壽丹青一幅幽風圖
民情尚見邠人厚使君至壽民喜使君歸壽民懷使君
初度壽民來為春酒宰羔羊稱兕觥躋華堂歌幽風兮
詩一章侑使君兮醉千觴祝使君兮壽且康繪去思兮
不可忘

豫齋集

卷一

六

雁足鐙歌

槃下銘曰建昭三年考工輔為內者造
銅雁足重三斤八兩護建佐博魯夫福
掾光主右丞宮令相省中宮內者第五
故家側銘今陽平家畫一至三陽朔元
年賜底銘後大
厨三字並篆書

上林飛雁宛可識卓立猶存漢鐙式槃仰底覆承以脛
三趾分攬如雁形宣帝遺製建昭造陽朔初元賜陽平
著斤兩重護建名五十九字古篆青元成之間紛多故
五鹿角峙牢石固燕燕涎涎赤鳳來鐵冶怒飛繼黃霧
禍水滅火土復乘璽轂隨斗危漢祚離離禾黍悲故宮
金人掩淚泣秋風漢鼎足折三分裂此鐙早埋荆棘中
玉魚金盃土花碧短檠棄置人爭惜幢幢影復照人間
西京往事迷鴻迹校膏夜讀蘭臺書長歌哀雁助吟客

贈周丹崖

與君同里不相見忽漫相逢在異鄉莫快頻彈流水調
從來識曲是周郎

贈譚西屏卽送之鄜州

慷慨譚夫子感時懷百憂風塵橫一劍詩卷託千秋報
國心腸熱空言我輩羞如何控奇驥低首向鄜州

四海悲歌裏百年聚散中吾生同斷梗異地更飄蓬已
是傷春苦何堪送玉驄東風吹別淚灑落酒杯紅

咸陽

渭水東流日夜忙渭城雲樹鬱蒼蒼周秦唐漢無從問
一片荒原淡夕陽

豫齋集

卷一

五

縛狼歌

鳳郡兵後多狼郡人有縛之以獻者感賦其事
頻年兵燹村落荒蒿萊滿地獷獸藏嗚呼世無縛虎手
獸則食人誰其償有狼有狼岐之陽陰風慘慘導以俵
狼也人也兩相直突前搏噬恣跳跟人避騰挪作鷹側
忽躍而上噬其吭怒目睽睽奮爪距欲起不起氣不降
人獸相持將伯襄巨繩束縛如牽羊村氓擁獻守之堂
跋前疐後何馴良毒龍可屠虎可伏力能制之固尋常
于今猘猱盈西方磨牙吮血吁猖狂安得壯士往與抗
彎弓挾矢射天狼

有感

海棠纔放紅桃發客裏流光次第新滿地落花春不管
東風愁煞倚欄人

寄謝枚如潼關

纔得相逢又別遊兩絲烟柳送春愁儂心不及黃河水
抱定潼關日夜流

尋友人不遇

清磬一聲響白雲飛滿山幽人不可見惆悵數峯間

宮農山觀察

爾鐸

出守延安貌叱馭圖以自況其

攬轡慨然之意蓋可想見余時客鳳翔寄此奉
題且送其行

靈夏兵氛莽不收金湯城外陣雲愁從前韓范經營處
豫齋集

卷一

三

付與籌邊百尺樓

匹馬縱橫蹋北山馳驅報國不知難男兒欲上凌烟
閣先借丹青畫出看

莫將離別入邊愁多少蒼生屬望優手把一麾慷慨去
鼓笳聲裏向延州

題羅誠之大令

驥

攬轡望蜀圖

人從奇峽出馬蹋亂雲開君所遊秦路我曾過此來烽
烟莽巴徼戡戢賴雄才

謂駱鞞門官保

回首十年事滄桑已幾

回

君鄉在何處西望峨眉峯以此畫圖意聊抒倦客悵邊
睡正多難迴轡且從容請勵澄清志還當靖塞烽

咸豐六年余挈眷入秦道出興平題賦馬嵬詩于
壁今驅車過之舊句塵封鴛衾人逝曷禁憮然
天荒地老柰愁何一樣傷心長恨歌世上鍾情惟我輩
何堪頻過馬嵬坡

郎當一曲雨淋鈴驛路迢迢駐馬停十五年來重過此
空餘客淚灑郵亭

題吳春海侍御馳馬導輿圖

蜀山重重白雲生白雲遙接銅梁城蜀山如畫子規叫
催奉板輿衣錦行樂莫樂兮還鄉里春風得意慈母喜
萬里雲山歸客心一齊寫入丹青裏五花驄行步工羊
腸峻坂王陽怯看君出入烟雲中崔邠合樂引前導都
豫齋集

卷一

三

人豔羨爭相告山花山鳥供養志何如先生奉母好到
日高堂奉酒卮棣華開作連理枝笑談二十年前事知
君更補畫中詩小人望母白雲下負米出遊役鞍馬披
圖欲賦南陔篇一片歸心不可寫

題瞿京之所藏吳季子之子劍

掛劍高風嗟已矣嬴博之墓亦荒圯霜鏹埋沒幾千年
光芒復出照塵世斷蛇紋蝕苔鱗班依稀猶認延陵子
昔也退谷曾收藏詞林傳播動輝光前年陽羨呂觀察
得之市賈珠玉裝延平變化雙龍奮騰躍寡合徒嗟傷
紫蜺曳影指隴右風胡驚測長安走誰能仗此掃塵氛
摩挲竟入瞿侯手吁嗟乎神物隱見本非偶沈埋豈肯

風塵久蛟龍蟄伏誰能馴雖遭摧損夫何有請君臧鬻
勿輕出奇氣常時射星斗

登雁塔後將赴孫心老謁牛頭寺杜祠之約天雨
不果歸讀心老詩賦此酬之

危塔望杜陵中車指韋曲駕言赴興公就訪樊川菊落
帽興益豪盛會龍山續風雨隴上來終南秋氣肅寒色
滿郊原暝景下平陸霜鐘響遠天歸鴉隨馬足一笑向
同人此事竟須福

杜老不可作大雅空古今生懷抗稷契飄泊淹風塵異
代慕儒雅遺廟奠山林幽探憶人日狂歌天地春時序
忽以易蕭條秋意深人事有乖違踪跡莫相循誦彼九

豫齋集

卷一

三

日詩悠悠傷我心

黃蒼山至

亂後君還在蕭蕭兩鬢摧艱難收弟骨辛苦閒關來兵
火廿年別乾坤一哭哀脊令原上土宿草已蒿萊

汪柳門學使按試鳳翔拔得耆士五皆年逾七十

作詩以誌依韻和之

遊河聞盛世天上下星精不謂掄才日偏符五老名作
人懷壽考績學勵諸生寄語橫經輩耆英總晚成

星軺駐岐下人瑞一時傳共說窮經叟都逾杖國年新
詩翻白雪晚景慰青氈泮水芹香裏春風健老仙

雨中李勤伯太守

愼

餞蜀令官君竹農于喜雨亭

余在坐話別歌以贈行

秦山蜀山千萬重
棧雲遙接峩眉峯
棧雲一片送君去
迎君萬朶青芙蓉
官侯讀書熟治譜
不肯低頭老幕府
提攜琴劍向益州
要濟蒼生作霖雨
扶風太守李謫仙
僉判官舍張離筵
君今叱馭峩眉下
先與坡老相周旋
西風八月金牛道
馬蹶蹶躑躅秋草
人生聚散亦何常
斗酒勸君且醉倒
喜雨亭前雨初晴
晴滿園花木含離情
情長情短不可說
一吸直翻雙玉瓶
明朝捫參歷井奮
轡行伫立遙望但見蒼茫雲氣入青冥

送譚西屏從軍北山

涼風起邊塞
天地忽以秋
撫劍長歎息
念子去悠悠
問

豫齋集

卷一

三

君何所往駕言北山
陬千里斷人跡
風塵不可收
征馬徘徊鳴行雲
爲我愁丈夫懷遠志
去去安可留

人日同毛子林

鳳枝

謁韋曲杜子祠

日落終南鼓角哀
寥荒宇兩人來
萬千廣廈懷虛願
突兀祠堂出劫灰
杜曲桑麻非昔比
少陵原野又春回
憑誰題句同常侍
千古神交酒一桮

呈鄭冶亭丈

名士範前貴州平越直隸州牧

南山聳秀俯東湖
通德門閭隱宿儒
十載宦遊身退早
一編著述老忘劬
道隆直使黃巾服
同治元年回逆變亂見先生猶下拜
人瑞應儕白傳圖
鶴髮蕭蕭精力健
知天借重作師模
少年惜未謁門牆
萍跡飄零客鳳翔
政事傳聞漢循吏

典型今見魯靈光
通家世誼柅關重
治曾淵源屬望良

先生授以手輯
盛世人
文朱子約編謂可資經濟

進接龐公牀
下拜趨庭回首

悵黔陽

先生與先君
同官貴州

題蓮池亭呈鳳翔守李勤伯觀察

公生七百餘年後
來與坡仙作主人
斗酒換花成往事

按志蘇長公以斗酒換
牡丹數本植于亭側

一亭照水壓池濱
荷香浥露清

詩思竹氣凝雲靜
俗塵借問風流賢
太守東湖何日闢

荒榛

題羅浮仙蝶畫扇弔多雲笏太守

多雲笏太守于咸豐二年出守湖北臨別以乃

兄如冠九先生所貽羅浮仙蝶畫扇囑李勤伯

豫齋集

卷一

五

觀察徵詩未幾鄂城再陷太守死之觀察出扇

索題賦此以應

故人仙蝶俱千古
腸斷臨歧話別時
一諾不亡交誼重

招魂紙上索新詩

玉腰栩栩尚留眞
惆悵西堂夢裏人
馬革完忠遺箠在

羅浮風雨最傷神

題浣沙圖

湯君壽雲祺孫藏

苾蘿山色畫圖中
麋鹿蘇臺霸氣終
畢竟越人能報怨

浣沙勺水沼吳宮

若耶溪影日悠悠
傾國容華後世留
解識捧心無限意

君王嘗膽美人愁

遊城南薦福寺

隨意過名利春風放晚晴豐碑殘照下高塔暮雲平古
佛靜無語老僧閒有情勞勞塵世裏禪趣說無生

懷隴州司馬方友石

玉潤雲南寶甯縣人

五華山下客萬里走風塵天闢鴻濛境

君齊名鴻濛室

官聞著

作身有書垂後世無術療清貧不見半年久隴雲愁遠

人

送羅誠之令君之官甯羌州

迢遞金牛道曾隨刺史車

咸豐八年侍叔春孚公赴任

家川流分兩

漢驛路接三巴山僻政偏劇民貧俗不華十年兵燹後

好去問桑麻

豫齋集

卷一

五

兩載岐陽路依棲王儉池幕僚慙濫厠磨蓋忽遷移母

老難遊遠交深惜別離東山吟眺處惆悵舊題詞

州有東山

觀咸豐九年重九赴李毓臣署枚登高之約有文以紀

誠之詢甯羌州政要疊前韻賦答

君問撫羌政勵精在下車猛寬宜鄭產龐雜化秦巴民

瘠依仁德山荒蓄物華劉公教治鹵種橡抵禾麻

山城接疇冢漢水以爲池此地稱難治借君暫量移吏

能行惠儉民自不流離去去吾謀用應聽戶祝祠

留別李勤伯觀察

我來岐下聽謳歌召杜循聲輿誦多西塞山河雄右輔

一宦宦跡步東坡持躬廉潔情偏厚察吏嚴明政不苛

捧袂龍門欣有託，凌虛臺畔兩年過。

西風吟上鳳城頭，詞客重來悵舊遊。垂老杜陵猶入幕，
頻年王粲悔登樓。情懷易觸三秋感，餞酒翻爲十日留。
一片東湖一太守，歸來彈鋏動離愁。

九日同毛子林子淮弟兄登慈恩寺浮屠

雁塔突兀立千古，崢嶸欲與終南伍。我輩攜樽借重九，
天助登高不風雨。毛子毛子隨我來，盤空七級窗四開。
上摩穹昊俯八表，九州元氣滌塵埃。西風遠掃崑崙頂，
關隴浩浩千里靜。周秦漢唐不可問，眼前但見山河影。
秋山渺渺秋天長，雲開何處望故鄉。君我有弟在他方，
仲桓弟赴揚州恨不能隨歸雁翔。憑闌長嘯天低昂，題
叔張弟在河南豫齋集

卷一

三

名碑碣照夕陽，高岑薛杜登臨以後。一千載臨風釀酒，
與子傾百觴。人生相聚須爲樂，勿效杜陵感事徒悲傷。
手把茱萸醉歸去，回顧塔勢凌蒼蒼。

重至鳳翔送李勤伯觀察調治西安用前留別韻
鴻泥重印續離歌，聚散何常感慨多。四載勤勞鳳翔郡，
一麾去問馬嵬坡。寒帷好繼漢京治，澆酒先除秦獄苛。

前守發審獄速繫死者數百人臨別知公難遽發，東湖湖上日經過。

白叟黃童擁馬頭，爭看太守五陵遊。循良最重二千石，
人望原如百尺樓。物論久曾期調治，民情未免欲攀留。
匆匆稅駕偏逢別，疊拍陽關我更愁。

余曩客鳳翔屢約壽坡仙未果今秋去鳳李勤伯

觀察和余留別詩有還期生日壽東坡之句仲

冬余復至屆期集同人於祠下適毛朗臣

鳳清

來與焉觀察時移守西安詩成寄以索和

我生恨遲七百年不能從公赤壁巔十年兩度岐陽住
東湖湖水空清漣欲逐青巾紫裘隊蹉跎恒被俗事牽
九月彈鉞飄然去躋堂稱兇恐無緣饑驅引車復西走
玉局髯仙笑拍手五曹文書我所掌屈子重來繼吾後
兩年虛約不曾償息壤在彼今莫負喜雨亭蓮池亭萬
鴉嘈嘈翻蒼冥雲車碾裂峨眉青仙風颯颯來公靈世
間雅事竟能補黃鶴飛來亦起舞是日有鶴舞于庭一笑相逢
毛國華瓣香同向祠堂炷拜起壽公酒一卮侑公更續

豫齋集

卷一

七

王郎詩千秋萬古春夢耳拍浮大白公勿辭穿雲裂石
無凡響更索李委腰笛吹

題吹簫圖

攜簫會上鳳凰臺臺上綠雲吹不開惆悵乘鸞神女杳
何時飛入畫中來

愁心付與廣陵潮客夢依依廿四橋安得乘風騎鶴去

二分明月聽吹簫

仲桓弟時在揚州

中秋大雨既而雨止月出招鄧子嘉騎尉

邦靖

李

濟川茂才

作舟

舉酒憶仲桓揚州因作長歌

萬古此明月散作人間秋我聞二分明月在揚州欲借
一分照我徒倚之高樓書生顚天天不語蟾蜍吐氣作

雲雨狂呼吳剛斬雲根老抱玉斧不我許雷公擊鼓震
雲開神龍掉海捉月來姮娥妝罷傾盆水洗出明鏡照
八孩旅人見月不能寐呼童起酌新菊醅復憐孤月如
人苦岑寂招攜狂客來相陪邀月作主月亦喜寒蟾奔
飲落酒杯我聞月函大地山河影仰看不見廣陵境不
如罷酒抱月眠醉魂飛渡吳江邊竹聲如雨搖夢醒惟
見月光皎皎流牀前

劉孟惺重九約遊城南杜子祠因病不赴

杜公采菊樊川後佳節劉侯載酒行韋曲至今有遺廟
少陵終古屬先生滿城風雨悲秋氣萬里鄉關動客情
強欲從遊無奈病未能扶杖赴詩盟

豫齋集

卷一

三六

甲戌上巳招同宮農山太守

爾鐸

毛子林刺史

鳳

枝劉孟惺大令

開第

鄧子嘉貳尹

邦靖

並兒子

光大

禊霸上主霸丞周君雪菴醉歌

右軍不作禊帖朽佳節苦恨客中負東風蕩蕩霸橋來
垂條已結長堤柳黃鳥求友鳴交我亦引車呼其曹
興發偶思修禊禊相將霸岸凌飛濤憶昔七年前斯地
苦征戰重披荆棘出亭臺眼前幾歷滄桑變君不見劫
餘殘柳參差生春烟黯慘碧無情惟有長橋貫津亘如
故隆隆不斷輪蹄聲黃塵捲風入晴昊此是我輩還鄉
道攀條長自送歸人蘭亭別後多芳草安得曲水泛羽
觴春風相對神茫茫周君好事爲我主新篘醅醪勸客

嘗愁懷得酒拚一醉永和到今知幾次醉向霸亭且放
歌我輩來遊亦僅事

霸亭

霸亭坐春風相對終南暮長橋垂柳中時看行人度

題馬湘蘭校書畫蘭

生綃一幅賸蘭芬往事空傳白練裙香草美人都寂寞
風前惆悵杜司勳

苦雨重九感賦

潦倒徒傾酒一杯霍霖騎月阻登臺秋風又到蒹葭老
鄉思方濃鴻雁來骨肉異方音信斷兵戈廿載鬢毛摧
囊萸渾忘重陽節菊亦如人愁不開

豫齋集

卷一

无

重九懷仲桓叔弼弟

風雨作重九飄零王粲樓關河橫斷雁天地入深秋弱
弟因貧散他鄉老客遊插萸誰更健悵望暮雲愁

春日與毛子林劉孟惺鄧子嘉集宮農山思無邪

齋

長安車馬塵如海落落知交自往還潦倒愁懷生白髮
流連尊酒話青山高吟天地幾人在相對春風一日閒
報道德星今夜聚敦槃雅會動秦關

贈周雪菴

官閒無一事種柳已成條夕照藍田樹春風霸水橋騎
驢吟客健射虎故侯驕束帶君毋厭陶潛亦折腰

劉孟惺招同農山子林子嘉次菊謁杜工部祠余
蓋再遊矣

南山怪我久不出亂雲噴湧封山密昂頭長嘯天風來
千里萬里烟塵開少陵原頭謁杜老劉侯出迎攜手笑
不是拾遺曾此居萬生屐齒肯重到皇子陂前曉旭晴
樊川水激霞光明幾年不走城南路桑麻鬱鬱風露清
諸君坐愛此林麓酒酣歌聲振山谷不惜十萬買芳鄰
欲向陰崖結茅屋君不見昔時子杜子許身稷契悲風
塵西南東北任漂泊杜陵韋曲歸無因又不見今日萬
伯子奔走救時心不死自斷此生四海家求田問舍非
吾事把酒謹呼酌嘉賓南山勸飲立人前男兒生不成

豫齋集

卷一

三

名且沈醉暮雲蒼蒼落日懸

光緒乙亥元年正月朔紀事

莽莽塵霾鬱荒荒歲始晨風雲齊變態天地強回春垂
祐憑

先帝憂危警大臣終期

國運轉望

闕涕沾巾

城南游眺

凌晨赴城南隨意逞清昉宿雨灑芳塵人跡試猶輒微
風扇遠林初日上層巘郊野氣自清草樹露猶泣川晴
水色明雲曙山容辨遊攬故緩行坐愛疲驢蹇

夏日偕農山子林星府子嘉次菊遊少陵宿杜子

祠下不寐有作

終南立天地遙接少陵陲我輩頻來往先生不可追感
時餘涕淚酌酒拜荒祠浩蕩風塵裏悠悠靜客思
諸侯老賓客相望一千年夢寐結遐想深宵未得眠關
河沈夜氣風露浩遙天坐待羣山曙聞雞意惘然

七夕立秋集宮農山宅話別

梧桐一葉下高樓瓜果陳庭餞客遊天上星河迴靜夜
人間風露換新秋神仙亦自有歡會吾輩何堪動別愁
馬首明朝霸陵道燒殘銀燭更句留

題呂亮臣

林采讀書秋樹根圖

門外俗塵莽迴互纖埃飛不到環堵只有西風隨例來
蕭蕭吹禿庭前樹風聲不歇書聲高科頭倚樹讀興豪
豫齋集

卷一

三

根經抵史刊疑義如掃落葉忘勤勞秋風容易催人老
萬事寧如讀書好陳編塵蠹園林荒恨我蹉跎歸不早
纍纍發篋觸手新婆娑一樹亦精神執卷沈吟呼不應
清閒苦羨畫中人

題龍泉山圖寄徐易甫先生

先生自號龍泉老
牧圖蓋譚西屏畫

我不識龍泉山何狀但見譚生畫圖樣亦不知老牧何
許人但聞農山說津津烽燧昔燒廬江東草堂亦在兵
燹中可憐磊落天下士且復旅走依蒿蓬二十餘年賊
氛掃龍泉山色依然好山中薇蕨猶堪飽長嘯歸來拾
瑤草龍泉清境非人間我欲從之道阻艱昨夢笠屐相
往還左挈譚子右農山醒來此遊願終負望雲苦想龍

泉叟寄題長句附圖後空山猿鶴知吾否

題磨鏡圖爲宮農山作

漫從妙手說空空塵匣光開掩白虹
知已不逢劉僕射相隨磨鏡老英雄

九月十日至潼關郎和之司馬鶴鳴於北極宮補

登高會余適至與焉

西風吹客至雅集補題糕星斗平筵接秋山發興豪
關城盤地峻河氣入雲高此會如相待簪萸首自搔

登望河樓

樓勢凌城郭清秋發浩歌西風吹太華斜日渡黃河
陝樹臨關斷秦雲入晉多生平懷利濟憑檻向滄波

豫齋集

卷一

三

十月宮農山太守至渭南勸積穀出菜根圖索句
秋末晚菘今正好君攜畫卷索題詩閉門種菜吾將老
此味休教俗客知

憂民菜色使車忙野圃殷勤話夕陽君借余適郊逢老
圃話詢民疾苦意
挈饑僅動關吾輩事肯教鄭俠繪流亡

示周僕大基

平生飄泊成何事老尙奔馳未得休
天下幾人能遠達客中仗汝散吾憂
風塵落拓誰青眼家國艱難易白頭
一錘隨身憑付荷醉魂擬伴伯倫遊

題席星府南樓晚眺圖

危樓百尺聳城尖關輔雲烟引眺酣
長嘯一聲天地晚

夕陽萬里下終南

得毛子林書知席星府抱病同寄星府

不得君消息毛生書到纔春寒廔病骨薄宦困詩才客
況親朋慰鄉心歲月催商量將母計何日板輿來

君擬迎養

大夫

小園

張君子和令渭南既成官舍於其東
偏僻地闢以爲園時招余遊因作

主人開園囿邀我遊其間花竹散晴旭好鳥鳴關關小
亭偶一坐白雲相對閒簿書苦迷悶得此怡心顏斜日
下簷際暝色來遠山徙倚欲忘倦烏歸我亦還

酬謝蔚青寄示河樓獨倚見懷之作

木葉蕭蕭下長河莽莽流西風吟客健高詠上層樓揮

豫齋集

卷一

三

手一爲別關山忽已秋多君能念我乘興欲來遊

送李稼門太守

應莘

之河南

汴州密邇京畿地天下安危係大梁民計似聞憂困乏
使君何以策凶荒梁園雨雪無消息河洛風塵鬱莽蒼
時事離情紛在念臨歧那禁淚成行

橐筆

橐筆青油幄蹉跎出處間一官遲印組千里念家山負
米乘親健無才喜事閒低頭趨幕府深愧二毛斑

題宮農山西園覓句圖

園在延安府廡

邊城報政瘡痍復太守餘閒吟興適今日灾黎盈百萬
可能高咏似延州

題霸橋送別圖卽送李勤伯都轉入覲省親

昔公初自上都來五馬蹀躞風塵開
褰帷問俗臨霸上柳禿橋傾不堪狀
今公一麾忽東去春風綠滿霸陵樹
黃童白叟公所活卽此亭臺草木亦是
公惠所留處公馬勿馳且暫駐父老擁
道右再拜薦村酒期公入荷君恩厚因
公遙祝高堂壽願從上客乞丹青寫我
秦民眷戀之深情巨軸借壓歸裝輕秦
民懷公公思秦他時旌節重來過此津
展卷一證畫中景霸亭風物又更新

霸上送馬敷潘

霸水悠悠霸柳青故人遠送短長亭
驪歌一曲匆匆唱把酒留君駐馬聽

豫齋集

卷一

三

送裕澤生方伯

寬

擢任河南藩司奉

詔入覲

帝重屏藩寄豫州天下中兩河頻歲旱

九陛念民

窮赤地天無雨蒼生命待公流亡圖可獻偉策慰

宸衷

送宮農山南旋

驅車出東門送君霸陵道岸柳已凋殘
朔風摧百草問君胡遠行苦戀田園好
田園非不佳君歸何太早荆山高峩峩
長淮水浩浩遊宦困拘束脫身事幽討
高歌歸去來暫以杼襟抱丈夫有遠志
甯守林泉老就子卜行藏昂首視蒼昊

浮雲卷晴空風來聚散之萍漂大海中
隨波忽轉移念

子當遠別數日擾我思臨歧不忍發停車立須臾君行
計日至君來當何時黃塵塞天地征馬爲悲嘶薄酒不
能御寫情託諸詩天寒道云遠四牡行遲遲期君以自
愛君其善保持

正月十二日王心如先生招同秦子衡毛子林鄧
子嘉呂子幹集笠雲山房時子嘉將之興安

苦恨離羣易東風破寂寥春城回北斗燈火近元宵
穴後人還健談深酒易銷不須懷別事小聚且陶陶

送朱靜軒

綴

之閩便道歸襄陽

朱浙人

一年淹旅跡歸去鹿門山楚水方舟下秦雲送客還
襄陽問者舊海嶠狎諸蠻惆悵此爲別臨歧淚自潛

豫齋集

卷一

七

八閩迢遞遠喜與故鄉鄰顧我仍爲客何堪更送君
男兒輕萬里別路出三秦明日商山道茫茫隔紫塵

送慶蘭圃方伯

裕

之閩藩任

麾蓋辭三輔屏藩障八閩恭承

天子詔綏定遠方民道直官還進

方伯前尹奉天以阻稅邊地爲某公中傷

時危節

自伸文章與事業相勉作傳人

方伯每稱人必曰某傳人故勉之

秋日與謝寶林毛子林李雲生劉孟惺王心如席

星府郊遊息杜子祠次謝太守韻

又與二三子杜陵避俗喧聞鐘人自靜對月客無言
夜氣涼如水松風吹入軒人生行樂耳聚散不須論

李雲生將

之鳳翔宮農山無會不與今歸懷遠謝詩及之

故友張箬農曩爲清秋歸騎圖贈原坦齋太守行
今原復將歸出眎索題賦以送之

不見張司馬披圖淚滿襟死生成契濶巖壑動鄉心夫
子復歸去秋風入故林欲抒離別意畫手更誰尋
栖栖不得志五馬且東征舊國青山在宦遊白髮生人
歸千里遠道直一官輕八月潼津路渾如畫裏行

題李雲生大令江上草堂圖

錦江春水自東去老屋三椽枕水湄萬里行踪半天下
懷歸空有草堂詩

藥欄風檻分明認歸夢年年只自知畫裏青山無恙在
杜鵑聲老鬢成絲

豫齋集

卷一

美

送李勤伯都轉之延榆綏道任

韓范經營地 朝廷倚畀專長城橫萬里吹角接三邊
關塞方多事山民困有年煩公抒偉畧莫少讓前賢

